

- Sanctis committas illis te, vel benedicas.
- 515 Sic ubi pulsetur, aut si quo missa canatur,  
Descendas ab equo currens velocius illo,  
Katholicae paci quo possis participari.  
Hoc iter haut longat, penitus tibi quin breviabit,  
Tutius et vadis, hostem minus atque timebis. —
- 520 11) Abnuito numquam, si te cogens homo quisquam  
Oret amore pii jejunia frangere Christi,  
Non ea nam frangis, sua sed mandata replebis. —
- 12) Si tibi sint segetes prope plateas generales,  
Non facias fossas, progressus ulteriores
- 525 In sata ne fiant, nam fossas circueundo  
Strata fit utrimque per siccum gente meante;  
Si non sodisses, damnum minus hinc habuisses.' —
- Dum rex conticuit sapientia verbaque finit, fol. 17b.  
Ambo prodibant, rex inque throno residebat,
- 530 Et laudat cunctis virtutem militis ejus.  
Econtra murmur laudantium multiplicatur.  
Qui grates regi populo referebat et omni.  
Rex ait: 'ito domum cunctorum plenus honorum,  
Atque vide matrem totamque tuam pariter rem,
- 535 Si potes in patria tamen esse tua velut ista,  
Solvere sique velint domini quae polliciti sunt.  
Qui si fallant te, decet ut fallantur et a te,  
Nec famuleris eis totiens delusus ab illis.  
Nulli servito parco nimis aut in honesto.
- 540 Si tibi contingat, animus tuus unde vacillet,  
Taedeat ut patriae propriae te, si repetis me,  
Ejusdem velle contra te repperies me,  
Quo nunc te linquo: dubium non hujus habeto.'  
Post nuerat dígito prae se stanti paranympho,
- 545 Et sibi secretim de more susurrat in aurem,  
Illuc ut peras camerarius afferat illas,  
In quibus hi panes fuerant intus locupletes,